

PRILOG 8.

# GRADSKI SPORTSKI SAVEZ BIHAĆ BIHAĆ

Na osnovu člana 20. stav 11 Statuta Gradskog sportskog saveza Bihać, te člana 55. stav 2 Zakona o sportu USK-a, Upravni odbor Gradskog sportskog saveza na sjednici održanoj 27.02.2019. godine, donio je:

## P R A V I L N I K

o kriterijima za raspodjelu sredstava namjenjenih iz  
Budžeta grada Bihaća za oblast sporta

### I- OSNOVNE ODREDBE

#### Član 1.

Pravilnikom o kriterijima za raspodjelu sredstava namjenjenih iz Budžeta grada Bihaća za oblast sporta ( u daljem tekstu: Pravilnik ), utvrđuju se kriteriji za raspodjelu finansijskih sredstava, kojima će raspolagati Gradski sportski savez grada Bihać.

To su sredstva namjenjena za ostvarivanje javnih potreba i interesa društva u sportu u smislu Zakona o sportu USK-a.

Ovim Pravilnikom se također reguliše postupak za raspodjelu ovih sredstava na pojedine korisnike i regulišu druga pitanja koja se odnose na njihovu raspodjelu.

#### Član 2.

Potrebe i interesi društva u oblasti sporta u smislu Zakona o sportu USK-a su:

1. Učešće na pripremi sportskih talenata i vrhunskih sportista za Svjetska i Evropska prvenstva, Mediteranske i Olimpijske igre;
2. Stručno – razvojni poslovi praćenja tjelesnih sposobnosti djece i omladine kao i građana;
3. Studentski i sport za osobe sa invaliditetom;
4. Sistemsko ostvarivanje aktivnosti djece i omladine u raznim oblicima sporta;
5. Obnova i izgradnja sportskih objekata od interesa za općine.

#### Član 3.

Finansijska sredstva koja se za namjenu iz predhodnog člana obezbjeđuju iz prihoda Budžeta grada usmjerit će se na:

1. Sufinansiranje programa rada članica Saveza.
2. Sufinansiranje programa razvoja sportova invalida.
3. Izdvajanje namjenskih sredstava za sufinansiranje razvoja vrhunskog sporta u individualnim sportovima i sportskim igrama na olimpijskim, svjetskim, evropskim i državnim prvenstvima ( Fond za reprezentativni sport ).
4. Izdvajanje sredstava za Rezervni fond Saveza.
5. Finansiranje Stručne službe i organa Gradskog sportskog saveza Bihać.
6. Za razvoj školskog sporta
7. Sportske manifestacija od značaja za Bihać.
8. Sufinansiranje izgradnje i održavanja sportske infrastrukture.

#### Član 4.

Sredstva za namjenu iz člana 3. ovog Pravilnika raspodjeljuje nadležni organ (Upravni odbor Gradskog sportskog saveza Bihać) donošenjem Finansijskog plana koji se donosi u skladu sa Zakonom i usmjerava na pojedine korisnike na osnovu odgovarajuće dokumentacije i akata, kao i na osnovu konkursa provedenog na način i postupak kako to utvrdi ovlašteni organ Skupštine saveza.

Korisnici sredstava su obavezni predhodno da dostave svoje programe rada i finansijske planove, kao i druga dokumenta koje bude zahtjevao nadležni organ Skupštine (Upravni odbor) Gradskog sportskog saveza Bihać.

#### Član 5.

Ukupna sredstva utvrđena Finansijskim planom Saveza raspodijeljuju se u 12 jednakih rata osim sredstava za potrebe i namjene koje se odobravaju odlukama i konkursom.

#### Član 6.

Ukupni prihodi Saveza, utvrđeni Finansijskim planom raspodijeljuju se:

1. Sufinansiranje sporta- članice Saveza..... 41,48 %
2. Pomoć sportskim klubovima kroz  
zakup dvorana i za odigravanje zvaničnih utakmica ..... 22,88 %
3. Školski sport ..... 8,62 %
4. Sportske manifestacije ..... 6,58 %
5. Rezervni fond..... 3 %
6. Rad organa i Stručne službe Saveza..... 15,79 %
7. Vrhunski - reprezentativni sport ..... 1,65%

## **II - FINANSIRANJE DJELATNOSTI SPORTSKIH ORGANIZACIJA I SPORTA NA PODRUČJU GRADA BIHAĆ**

#### Član 7.

Finansiranje djelatnosti sportskih organizacija i sporta na području grada Bihaća vršiće se u skladu sa utvrđenim procentima i namjenama naznačenim članom 6. ovog Pravilnika.

#### Član 8.

Način raspodijele i visina sredstava za svaku utvrđenu kategoriju nosilaca razvoja sporta vršiće se u skladu sa Zakonom o sportu USK-a i sa donošenjem opštih i posebnih kriterija raspodijele.

#### Član 9.

Da bi organizacija iz oblasti sporta mogla da konkuriše za finansijska sredstva Saveza ista mora da zadovolji slijedeće opće kriterije:

- da je zakonski osnovana i registrovana organizacija i da ima svoj vlastiti žiro račun;
- da je u propisanom roku dostavila u pismenoj formi svoj Izvještaj o radu, Finansijski izvještaj za proteklu godinu , Završni račun za proteklu godinu , Plan programa i Finansijski plan za narednu godinu, lični karton kluba/organizacije.
- da uredno i blagovremeno kancelariji Saveza dostavlja izvještaje o namjenskom utrošku sredstava i izvještaje o realizaciji dijela svog Programa rada koje sufinansira Saveza (šetomjesečni i godišnji izvještaj).

Ukoliko se utvrdi da neki od korisnika sredstava Saveza, nije na vrijeme ili utvrđenom roku dostavio tražene akte i dokumentaciju, Komisija i Upravni odbor Saveza neće istog ni razmatrati niti uvrstiti u prijedlog finansiranja u tekućoj planskoj godini, odnosno vršiće rebalans Finansijskog plana.



#### Član 10.

U cilju poštivanja zakonitosti, cjelovitosti i zajedničkog planiranja i programiranja pojedinih područja sporta u USK-a i šire, te pravilne raspodijele finansijskih sredstava korisnicima, utvrđuju se i posebni kriterij za svaku kategoriju.

#### Član 11.

##### **Članice sportskog saveza**

Sredstva namjenjena za djelatnost članica Saveza, utvrđena u članu 6. ovog Pravilnika, usmjerit će se na sufinansiranje Programa i projekata:

1. Planiranje i programiranje takmičarskog sporta– razvojnog sporta mladih, po sportovima (sportski klubovi, sportska društva i udruženja).
2. Planiranje i programiranje školskog sporta mladih (Društvo pedagoga i škole).
3. Planiranje i programiranje aktivnosti u sportskoj rekreaciji – SPORT ZA SVE (klubovi i sportska društva).
4. Planiranje i organizovanje tradicionalnih masovnih sportskih takmičenja i manifestacija od općinskog i kantonalnog nivoa.
5. Planiranje i programiranje usavršavanja stručnih kadrova u sportu i sportskoj rekreaciji.

#### Član 12.

U skladu sa predhodnim članom koji regulišu elemente opštih kriterija kojima će se rukovoditi Upravni odbor Saveza u primjeni i izradi Finansijskog plana, utvrđene su pet kategorija – grupe razvijenosti, organizovanosti i potreba članica Saveza u oblasti sporta, a to su:

- Prva kategorija-grupa ..... da bi sport, sportski kolektiv bio svrstan u ovu grupu mora da zadovolji slijedeće uslove:
- da je olimpijski sport,
  - da na području države aktivno radi najmanje 30 klubova,
  - da je takmičenje u toj grani sporta na nivou države organizirano bar u tri stepena – nivoa,
  - da postoji jedinstveni strukovni savez u datom sportu na nivou države,
  - da se sportski kolektiv takmiči u liga sistemu takmičenja (kolektivni sport).
  - da se klub takmiči u prvom, drugom i/ili trećem stepenu Takmičenja (pojedinačni sport),
  - da imaju vlastitu infrastrukturu koju je potrebno održavati,
  - da imaju organiziran rad sa mlađim kategorijama uključenim u sistem takmičenja u najmanje dva starosna uzrasta,
  - da imaju minimum 50 registriranih sportaša.
- Druga kategorija-grupa ..... da bi sport, sportski kolektiv bio svrstan u ovu grupu mora da zadovolji slijedeće uslove:
- da na području države aktivno radi najmanje 15 klubova,
  - da se takmičenje u toj grani sporta organizovano u najmanje dva stepena – nivoa
  - da pripada bazičnim sportovima (atletika, gimnastika, plivanje)
  - da imaju minimum 40 registriranih sportaša
  - u slučaju da na nivou države nema organizirano ligaško takmičenje, savez može u dvije grupe uvrstiti i klubove koji ne

- ispunjavaju sve uslove – kriterije, ali su:
- a) sportovi sa dugogodišnjom tradicijom,
  - b) da ekipa ili pojedinci postižu zapažene rezultate na državnim prvenstvima,
  - c) te da su organizovani u strukovne saveze na nivou države.
- Treća kategorija-grupa ..... Ovu grupu čine klubovi i sportske organizacije takmičarskog sporta u seniorskoj konkurenciji, a članice su Sportskog saveza
- Četvrta kategorija –grupa Ovu kategoriju čine svi ostali klubovi koji nisu svrstani u prvu, drugu i treću kategoriju.
- Peta kategorija-grupa..... U ovu grupu svrstavaju se sportske organizacije, druga udruženja građana u oblasti sporta, Društva pedagoga tjelesnog odgoja, udruženja trenera, sudaca i slično.

U slučaju da sportski kolektiv – klub ne ispunjava ove propisane uslove, Upravni odbor može svojom odlukom cijenjeći tradiciju, postignuti rezultat i sl, klub svrstati u jednu od kategorija.

#### Član 13.

Planirana sredstva utvrđena i preraspoređena članom 6. tačke 1. ovog Pravilnika raspoređuju se u globalu na 5 dijelova (članice Saveza, prema utvrđenim kategorijama - grupama naznačenim u članu 12. ovog Pravilnika) u naznačenim procentima kako slijede:

- Prva kategorija-grupa	35 %
- Druga kategorija-grupa	28 %
- Treća kategorija-grupa	24 %
- Četvrta kategorija-grupa	10 %
- Peta kategorija –grupa	3 %

Sve članice Saveza koje sufinansira Savez, obavezne su izdvojiti najmanje 30 % odobrenih sredstava za razvoj sporta mladih u svom klubu - udruženju.

#### Član 14.

Razvrstavanje članica Saveza u kategorije-grupe prema utvrđenim kriterijima vršiće Upravni odbor, kako i procenat koji će se utvrditi za svaku članicu Saveza i korisnika posebno.

#### Član 15.

Sportske organizacije iz područja takmičarskog sporta osim općih uslova iz ovog Pravilnika treba da ispunjavaju i druge uslove:

- da imaju kontinuitet u radu što se ogleda kroz program rada,
- da imaju osigurana materijalno tehnička sredstva za rad,
- da imaju potreban stručni kadar za realizaciju programa rada,
- da imaju organizirano vođenje materijalno – finansijsko poslovanje u skladu sa zakonom.

#### Član 16.

Sredstva za djelatnost Saveza za sport i rekreaciju invalida Bihać usmjeriće se za sufinansiranje:

1. Aktivnosti sekcija i klubova SSRI Bihać – do 60 %,



2. Za školovanje stručnih kadrova – do 20 %,
3. Za rad Organa saveza – do 20 %.

#### Član 17.

### **Fond za podsticanje vrhunskih sportskih rezultata i reprezentativnog sporta**

Ova sredstva se planiraju korisnicima kao stimulans i podsticaj za razvoj sportskih talenata (pojedinačno) ili ekipa na međunarodnim takmičenjima (Olimpijske igre, Svjetska prvenstva, Evropska prvenstva, mediteranske igre, Evropske studentske igre, univerzijada, Balkanska prvenstva). Sredstva se raspoređuju korisnicima odlukom Upravnog odbora, a na osnovu pismenog zahtjeva i priložene dokumentacije iz koje je jasno vidljivo da se radi o reprezentativcu države u kategoriji kadeta ( donja starosna granica U-15), juniora i seniora, odnosno da je ispunio uslove na zvaničnom međunarodnom takmičenju.

Uslovi za sufinansiranje su: Prvak države za SP, EP, UI, MI, dok za ostala takmičenja (BP, ESI) sufinansiranje je moguće za drugoplasiranog sa državnog prvenstva ukoliko na takmičenju može nastupiti više od jednog predstavnika države.

Ukoliko klub insistira na nastupu na nastupu takmičara koji nije ispunio gore navedene kriterije može isfinansirati njegov nastup a ukoliko takmičar ostvari rezultat (medalja) na takmičenju Savez će naknadno refundirati klubu uložena sredstva do iznosa u skladu sa pravilnikom.

Sufinansiranje reprezentativnih nastupa je u iznosu od maksimalno 30 % sredstava po službenom cjenovniku za takmičara.

#### Član 18.

### **Rezervni fond**

Namjenska sredstva raspoređuju se Odlukom Upravnog odbora ili odlukom predsjednika Saveza, a na osnovu pismenih zahtjeva članica Saveza i priložene dokumentacije.

#### Član 19.

Namjenska sredstva utvrđena članom 6. ovog Pravilnika, koja se odnose na školovanje i edukaciju kadrova, te sportsku infrastrukturu, raspoređivaće se putem javnog konkursa, na osnovu kriterija Saveza

Kriterije i uslove za raspodjelu ovih sredstava vršiće posebna Komisija koju imenuje Upravni odbor Saveza, a konačnu odluku donosi na prijedlog Komisije Upravni odbor Saveza.

#### Član 20.

Odluke o prioritetima usmjeravanja finansijskih sredstava korisnicima, u skladu s Finansijskim planom Gradskog sportskog saveza Bihać, donosi Upravni odbor na osnovu programa korisnika sredstava ili provedenog konkursa, kao i hitnosti potreba za sredstvima.

#### Član 21.

Sa korisnicima sredstava Upravni odbor – predsjednik zaključuje Ugovor, kojim se preciziraju prava i obaveze iz člana 9. ovog Pravilnika.

Član 22.

Tumačenje, izmjene i dopune ovog Pravilnika donosi Upravni odbor Saveza na osnovu ukazanih potreba.

Član 23.

Ovaj Pravilnik stupa na snagu usvajanjem od strane Upravnog odbora.

Broj: 59-2/19

Datum: 28.02.2019. godine

Predsjednik  
Gradskog sportskog saveza Bihać  
Mladen Šantić